

3月19日。夜庾肩吾詩。
編目据《梁詩卷二十三》

1、洛陽道

傲道臨河曲。層城傍洛川。金門纔出柳。桐井半含泉。日起
罌罍外。車回雙闕前。潘生時未返。遙心徒眷然。

2、奉和泛舟漢水往萬山應教詩

桂棹棠棠船。飄揚橫大川。映巖沈水底。激浪起雲邊。迴岸
高花發。春塘細柳懸。陪歌承睿賞。接醴侍恩筵。誰云李與
郭。獨得似神仙。

3、山池應令詩

閨苑秋光暮。金塘牧潦清。荷低芝蓋出。浪涌燕舟輕。逆湍
流棹唱。帶谷聚笳聲。野竹交臨浦。山桐迥出城。水逐雲峰
闔。寒隨殿影生。

4、遊甌山詩

平子去已久。餘風今復追。未必遊春草。王孫自不歸。路高
村反出。林長鳥更稀。寒雲間石起。秋葉下山飛。西河方閱
訓。詎得解朝衣。

5、詠蔬圃堂詩

北宮多暇豫。時駕總鑾鑣。路靜繁葭撤。輪移羽蓋飄。臨空
坐飛觀。回首望浮橋。風長曙鐘近。地迥洛城遙。疏林不礙
日。涸浦暫通潮。徒然等賓從。並作愧群僚。

6、賦得嵇叔夜詩

山林重明滅。風月臨囂塵。著書惟隱士。談玄止谷神。雁重翻傷性。蠶寒更養身。廣陵餘故曲。山陽有舊鄰。俗儉寧妨患。才多反累身。寄言山吏部。無以助庖人。

7、經陳思王墓詩

公子獨憂生。丘壟擅餘名。採樵枯樹盡。犁田荒隧平。寧追宴平樂。詎想謁承明。旦余來錫命。兼言事結成。飄飄河朔遠。颭颭颶風鳴。雁與雲俱陣。沙將蓬共驚。枯桑落古社。寒鳥歸孤城。隴水哀葭曲。漁陽慘鼓聲。離家來遠客。安得不傷情。

8、和徐主簿月詩

樓上徘徊月。窗中愁思人。照雪光偏冷。臨花色轉春。星流時入暈。桂長欲侵輪，願以重光曲。承君歌扇塵。